

GALBMA BIEKKAT BOSSUT EUROHPÁS. ÁIGI LIEGGASIT POLITIHKKII.

Mii ruonát háliidit leahkit liegga jietna EO-parlameanttas. Mii leat vuostebealli go galbma biekkat bossut Eurohpá badjel ja olggul rájít olbmuide heađis giddejuvvojít. Go mii oaidnit fal-lehemiid Prideráidduid vuostá ja go asylohcčit ja romerat gieđahallot Eurohpás gos olmmošlaš vuoigatvuođat leat fámus buohkaide – beroškeahhtá gos don orut.

Dálkkádatpolitihkas EO:s lea dehálaš geaidnoválljen. Konservatiiva bellodagat háliidit heaittihit gudneáŋgiris dálkkádatulbmiliid ja bidjat stuorrafitnodagaid beroštumiid ovdal mánáid boahhteáiggi. Mii ruonát háliidit nuppe dáfus ahte EO galgá váldit ovddasvástádusa ja ja bargat dálkkádatrievdadusa vuostá. Danin eanet ruoná EO-parlamentarihkkárat dárbbahuvvojít! EO sáhtta leat máilbmenjunnošis dálkkádatpolitihkas, muhto makkár politihkkariid don leat mielde ja jienastat dohko lea dehálaš.

Jodihanfápmu min ruonáide lea ahte mii dovdat ovddasvástádusa ahte mánáideamet ja mánámánáideamet galge atnit vejolašvuođa vuoigŋat buhtis áimmu, juhkat ja lávgut buhtis čázis ja šaddat bajás váralaš kemikálaid haga.

EO-mearráduusat váikkuha biepmu du dallearkkas, gálvvuid maid oastát, vuoigatvuođat interneahtas, du vejolašvuođat lihkkat Eurohpás, ja ollu eanet. Mii háliidit ahte du biepmu galgá leat mirkkuid haga ja ii boahtit biinniduvvon ealibiin. Mii vuoruhit rahčamuša álkibut togareassuid ovdal girđiid ja mohtorgeainnuid. Mii háliidit ahte plástaribat galget geavahuvvot fas, mihá buoret go šaddat ribat mearas. Mii vuosttildit vákšuma stuorra olbmologuin ja ahte dus galgá leat kontrolla du persovdnadieđuin neahtas.

EO ferte bidjat návccaid dáidda áššiide mat duođas leat oktasaččat – dálkkádatuhkádus, rádjerasttildeaddji birasválttisvuođat ja bealuštit olmmošlaš vuoigatvuođaid. Mii Birasbellodagas leat vuosehan ahte mii sáhttit dahkat erohusa EO-politihkas. Ovttasbargguin álbmotlahtuiguin ja álbmotlihkastagaiguin mii ja min eurohpálaš ruoná ustibat leat lihkestuvvan njulget EO:a guolástanpolitihka – mii vuosttaš gearddi ulbmilin bidjá bistevaš guolásteami! Mii leat maid buoridan suoji váralaš kemikálaid vuostá ja máŋgii bealuštan álbmotlahtuid cealkánfriddjavuođa ja integritehta.

Birasbellodat moaitá got EO lea huksehuvvon ja doaibma. Danin mii bargat rievdan dihte ovttaga. Mii háliidit stuorit geahčadeami EO:a mearridan proseassas ja rahčat almmostašvuođaprinsihppa ovddas EO:a ásahusain.

Mii oaivvildit ahte mearrádusat galget mearriduvvot nu lahka daid geasa mearrádusat čuhcet. Mánnga áššiid maid EO mearrida giedahallot buoret nášuvnnalaš, guovllulaš dehe báikkálaš dásis. Miellahttoriikkaid iežas parlameanttat dárbbahit oažžut eanet vejolašvuodaid dárkkistit vai EO ii mearrit mearrádusaid main sis ii leat vuoigatvuohta.

Mii háliidit doaibmat eanet heivehanvejolaš EO-ovttasbargui, gos juohke ovttaskas riika sáhtta válljet makkár osiin sii háliidit oassálastit, rehálaš rájiid siskkobealde. Birasbellodat ii hálit ahte EO galgá ovddiduvvot eurohpálaš federašuvdnii. Muhto mii háliidit ahte juohke riika Eurohpás mii čavža vuđolaš gáibádusaid demokratiija ja olmmošlaš vuoigatvuođaid ektui galget beassat searvat EO:i.

MIN EVTTOHASAT:

Isabella Lövin

”Mearra ja áibmu ii dovdda rájiid. Jus galgat birget daid stuorra máilmmiviidosas hástalusaid mat gusket dálkkádahkii ja mearrabirrasii de EO lea buoremus lávdi mis lea leamaš erohusa dahkat. Boahte stuorra dálkkádatkonferánsa Parisas 2015 lea máilmmi liiba. Ii oktage ieža stuorrafápmu boađe leat njunnošis, mii háliidit oaidnit ahte EO dahká dan.”

”Mon háliidan maid joatkit bargat buorit mearrabirrasa ovddas. Badjelmeari guollebivdu, mearranuoskkideapmi, badjelmeari dutkan, kemikála- ja rihpanuoskkideamit ja vel suodji Arktalaš guovllus gos visot áššit fertejit čovdot EO- ja globálalaš dásis. Dáinna mon háliidan bargat. Mon dieđán EO-parlameantta sáhtta dahkat earu, danin du jietna lea dehálaš!”

Peter Eriksson

”Demokratiija ja rabasvuohta lea rivttes geaidnu. Otne muvrrat allánit loahppa máilmmi vuostá. Eanet ja eanet jearuhit vel vejolašvuoda olbmuide lihkkat friddja riikkaid gaskkal EO:s. Livččii oalle stuorra lávki maŋus jus dat šattalii duohta.”

”EO sáhtta maid bidjat garrasit gáibádusaid ja atnit čielgasit njuolggadusaid ovttaskas riikkaid vuostá vai njeaidá korrupšuvnna ja vealáheami. Válgga bokte Eurohpá-parlamentii don sáhtát leat oassin eanet heivvolaš ja doaibmi servodagaide min máilmmioasis.”

Dál dus lea vejolašvuohta geavahit du jiena dahkat Eurohpá veaháš buoret.

Rievdda Eurohpá, jienas ruoná.